



Udruženje „Srce za djecu
koja boluju od raka u FBiH“

PREMIJERU I

Sarajevo, 06.10.2015. godine

Skupština Kantona Sarajevo

MINISTARSTVO - RAD I SOCIJALNU POLITIKU.
RASELJENA LICA I IZBEGLICE
KANTONA SARAJEVO

Inicijativa za dodjelu granta za izgradnju Roditeljske kuće

Poštovani,

Cijeneći Vas kao Kantonalanu skupštinu koja u kontinuitetu podržava rad i aktivnosti nevladinih organizacija obraćamo Vam se sa inicijativom da izdvojite iz budžeta Kantona Sarajevo za 2015. grant za izgradnju Roditeljske kuće. Udruženje „Srce za djecu koja boluju od raka u FBiH“ je počelo sa realizacijom projekta "Roditeljska kuća", po uzoru na zemlje regiona i Zapadne Evrope ali prije svega zbog potrebe da roditeljima koji dolaze iz svih krajeva BiH, a čija se djeca liječe na Hematoonkološkom odjeljenju Pedijatrijske klinike u Sarajevu, omogućimo kontinuiran boravak uz svoje bolesne mališane. Godišnje se na Hematoonkološkom odjeljenju Pedijatrijske klinike u Sarajevu liječi do 60 djece.

Podsjećamo da je Vlada Kantona Sarajevo u budžetu za 2014 izdvojila 30.000 KM za izgradnju Roditeljske kuće. Također ministarstvo za rad i socijalnu politiku, raseljena lica i izbjeglice Kantona Sarajevo je izdvojilo sredstva od 10.400,00 KM u okviru Dječije nedjelje u 2015 godini.

Udruženje je u proteklom periodu obezbjedilo:

- Ugovor sa Kliničkim centrom Univerziteta Sarajevo o ustupanju zemljišta za izgradnju Roditeljske kuće
- Korekciju regulacionog plana Zetra, urbanističku saglasnost i građevinsku dozvolu
- Završeni su grubi građevinski radovi, vanjska stolarija, ravni krov, vodoinstalacije i elektroinstalacije
- ⊖ Trenutno se rade mašinske instalacije, zanatski radovi i stolarski radovi

Ukupna vrijednost projekta Roditeljska kuća je 1.200.000 KM. Za završetak radova i puštanje objekta u funkciju potrebno je obezbjediti još 119.600 KM.

Molimo Vas da izdvojite grant za nabavku i ugradnju lifta na objektu Roditeljska kuća, u vrijednosti od 31.500,00 KM

Ovako značajan projekat za cjelokupnu društvenu zajednicu nismo u mogućnosti sami realizovati, stoga nam je pomoć svih nivoa vlasti sa područja cijele Federacije izuzetno važna.

U nadi da ćete imati razumjevanja za naše humane ciljeve i nadljudske napore da pomognemo djeci oboljeloj od raka, kao i njihovim porodicama.

Unaprijed zahvalni!

Udruženje „Srce za djecu koja boluju od raka u FBiH“

